

## **2012-11-27ko OHIZKO UDALBATZA**

Iruran, bi mila eta hamabigarren urteko azaroaren hogeita zazpian, arratsaldeko 19:30ean, udaletxeko udalbatza-aretoan, batzar ohizkoa egin du Udalbatzak, Ainhoa Ugalde Gorostiaga alkatea buru duela.

-Azaldu diren BILDU udal-taldeko zinegotziak: Gorka Murua Makuso, Mikel Gotzon Iturbe Saizar, Ainara Mugica Iruretagoyena, Tomas Etxeberria Sarasola, Josu Yurrita Loitegui eta Olaia Nieto Legarra.

-Azaldu ez diren BILDU udal-taldeko zinegotziak: Noelia Lataburu Ortiz.

-EAJ/PNV udal-taldekoa: Javier Izaguirre Gomez.

Miguel Antonio Arrizabalaga Brusin Udaleko idazkariak egin ditu idazkari lanak.

Alkateak irekitzat jo du saio publikoa; segituan, eta haren baimenarekin, idazkariak jakinarazi du bilera egitea badagoela, Toki Erregimeneko Oinarriak Arautzen dituen apirilaren 2ko 7/1985 Legeak eta azaroaren 28ko 2568/1986 Errege Dekretuak, Toki Erakundeen Antolakuntza, Funtzionamendu eta Eraentza (Erregimen) Juridikoaren Erregelamendua onartzen dituenak, agindutako gutxieneko partaide-kopurua bertaratu baita.

### **LEHENBIZIKO GAIA**

**UDALBATZAREN AZKEN AKTA ONARTZEA, HALA BADAGOKIO (2012-10-30).**- 2012ko urriaren 30eko ohiko saioaren aktaren zirriborroa aurkeztu da, eta aho batez onartu da.

### **BIGARREN GAIA**

**ALKATEAREN DEKRETUEN BERRI EMATEA.**- Alkateak honako dekretuen berri eman dio Udalbatzari:

2012ko 166. zenbakitik 175. zenbakira bitartekoak.

## **HIRUGARREN GAIA**

### **IRURAKO TRINKETEAREN 1. FASEKO BIRMOLDAKETA OBRAREN LIKIDAZIOA ONARTZEA, HALA BADAGOKIO.**

Trinketea birmoldatzeko 1. fasea esleitu zen prezio honekin: 352.876,63 € gehi 63.517,79 € (BEZ). Guztira: 416.394,42 €.

Obra-zuzendaria den arkitekto-teknikoaren txostenaren arabera, honako hau da obraren behin betiko prezioa: 484.275,32 € gehi 90.863,39 €. Guztira: 575.138,71 €. Txosten horrek aldaketak zertan izan diren azaltzen du.

Idazkari kontu-hartzailearen txostena aztertu da.

Hori ikusita, Udaltzak, aho batez, hau erabaki du:

- 1.-Trinketea birmoldatzeko 1. fasearen obran izan diren aldaketak onartzea.
- 2.-Obraren likidazioa onartzea.

Erabaki hau behin betikoa da eta administrazio-bidea agortzen du. Beraren aurka administrazioarekiko auzi-errekurtsoa ipini daiteke Donostiako Administrazioarekiko Auzien Epaitegian.

## **LAUGARREN GAIA**

### **2011KO AZAROKO EURITEEK ERAGINDAKO KALTEAK KONPONTZEKO EGIN DIREN OBREN LIKIDAZIOA ONARTZEA, HALA BADAGOKIO.**

Urriaren 8ko 152/2012 Alkate-dekretu bidez, Oruezabal Excavaciones enpresari esleitu zitzaizkion 2011ko azaroko uholdeek eragindako kalteak konpontzeko obrak, 45.000 euroko aurrekontuarekin.

Amaierako ziurtagiria aurkeztu da, 54.709,87 euroko kopurua duena.

Idazkari kontu-hartzailearen txostenean ohartarazten da akordioa ezeztatu daitekeela, ez dagoelako kreditu nahikorik 2012ko aurrekontuan.

Udaltzak, aldeko 7 botorekin (Bildu) eta abstentzio batekin (PNV), honakoa onartzen du:

2011ko azaroko uholdeek eragindako kalteak konpontzeko obraren likidazioa onartzea.

## BOSGARREN GAIA

### IRURAKO ZAHARREN BILTOKIKO ZERBITZUA USTIATZEKO EMAKIDAREN PREZIOA BERRAZTERTZEA ONARTZEA, HALA BADAGOKIO.

2005ko abenduaren 20an Udaltzarak erabaki zuen Miren Marquet Iraizosi esleitzea Zaharren Biltokiko zerbitzua ustiatzeko emakida, 4 urterako izango dena, eta beste lau urtez luza daitekeena.

2012ko abenduaren 16an Udaltzarak erabaki zuen kontratua luzatzea 2014ko urriaren 29a arte.

Bestalde, kanona eguneratu egin behar da bi urtez behin, Euskal Herriko KPI-ren arabera.

2010eko laugarren hiruhilekoan izan zen azken aldaketa eta kopuru hau erabaki zen: 161,25€ (BEZ barne) (136,65+24,60€) (BEZ %18)

Idazkari kontu-hartzailearen txostena ikusi ondoren, Udaltzarak honakoa erabaki du aho batez:

1.-Hiru hilez behingo kanona hau izatea:

-Oinarrizko prezioa: 142,76 euro

-BEZa (%21) : 30,19 “

Guztira: 173,95 “

2.-Prezio berria 2013ko urtarriletik aurrera aplikatzea.

## SEIGARREN GAIA

### 2012ko EUSKAL FONDOAREN DIRU-LAGUNTZAREN XEDEA ALDATZEA.

2012ko urriaren 30eko Osoko Bilkuran erabaki zen Euskal Fondoari urteko diru-laguntza ematea egitasmo bat burutzeko, baina bere finantziazioa lortuta dago. Ondorioz, beste egitasmo berri bat aukeratu behar da.

Hori ikusita, Udaltzarak aho batez erabaki du beste egitasmo honi diru-laguntza ematea:

San Luis Tonitzul, la Cañada eta 28 de septiembre auzuneetan edateko ur

hornidura. II Fasea.

Diru-laguntza: 1.200 €.

## ZAZPIGARREN GAIA

### **AZAROAREN 25EKO ADIERAZPEN INSTITUZIONALA, EMAKUMEENGANAKO INDARKERIAREN AURKAKO NAZIOARTEKO EGUNA DELA ETA.**

Honako mozioaren berri eman da:

“Beste urte batez, Emakumeen kontrako Indarkeriaren aurkako Nazioarteko Eguna dela eta, Irura Udalak biolentzia matxistaren aurka lanean jarraitzeko konpromisoa hartzen du, gure Udalerrian ere irauten duen gaitza baita.

2012a hasi zenetik 5 emakume erail dituzte Euskal Herrian eta milaka dira komunikabideen bitartez jasotzen ditugun kasuen berri Eraso sexisten inguruko gertakariak eta salaketak egunero entzun ohi ditugun elementuak dira. Herriko jaietan edota jai eremuetan emakumeon askatasun baldintzatu eta eraso sexisten areagotzea ematen da. Lan eremuan ematen diren sexu jazarpenen datuak kezkatzekoak dira. Gazteriaren artean sexuen arteko botere harremanak eta balore patriarkalak iraunarazteaz gain, mutil askok nesken kontrako indarkeria ere baliatzen dute....

Emakumeen aurkako biolentziak, izaera fisikoa, sexuala edo psikologikotik haratago, ekonomiko eta sozial izaera ere ba du. Horregatik Udal gisa emakumeen aurkako biolentziaren aurrean dugun jarrera, bikote edo bikote ohi eremuan ematen den biolentziatik haratagokoa izango da.

Aurten, gainera, ezin dugu beste alde batera begiratu bizi dugun egoera eta eskubidemurrizketa prozesua ikusita. Horregatik:

-Bikote edo bikote ohi eremuan ematen diren etengabeko tratu txar fisiko eta psikologiko adierazpenak SALATZEN DITUGU. Emakume izate hutsagatik kolpe, paliza eta heriotzak gertatzea onartezina iruditzen zaigu.

-Hainbat ordezkari politiko, agente sozial, judizial eta komunikabideren aldetik egindako adierazpenak SALATZEN DITUGU, emakumeak herritar tutelatu gisa eta norbere bizitzat erabakitzeke ahalmenik gabe kokatzen direlako.

-Krisian baitan, zerbitzu publikoen murrizketek –bereziki zaintzari dagozkionak, biolentzia arriskua handitu dezaketen bulnerabilitate egoerak sortzen dituztela

SALATZEN DUGU. Obedientzia eta sumisioan oinarritutako harremanetan hain zuzen ere.

Hori guztiagatik, Udal honek, ekitatea eta emakume eta gizonezkoen arteko berdintasuna oinarri izango dituen beste eredu sozial baten eraikuntzan aurrera egiteko konpromisoa hartzen du. Emakumeenganako biolentzia bukatzeko bide bakarra izanik eta bide honetan mugimendu feministari entzun eta berarekin parte hartuz, norabide honetan egindako ibilbideagatik eta helburu hori lortzeko duen lidergo historikoagatik.

Horren guztiaren jakitun, Udal honek:

-KONPROMISOA HARTZEN DU indarkeria aurre egiteko politika integralari dagokionez, mota desberdinetako neurriak hartu beharko ditugu kontutuan, besteak beste heziketan oinarritutako prebentzio neurriak, eraso baten ondorengo neurri asistentzialak edota erantzun soziala artikulatzeari begirakoak.

-KONPROMISOA HARTZEN DU, bere eskumenen esparruan eta indarreko legeria aplikatuz, emakumeenganako indarkeriaren aurkako udal politika aktibo, osoa eta koordinatua garatzeko, hitzetik ekintzetara pasatuz. Horretarako, aurrekontuak mantenduko ditugu indarkeria jasan duten emakumeen arretara zuzendutako programa guztietan.

-KONPROMISOA HARTZEN DU, autodefentsa feministaren beharra transmititu eta emakumeak animatu lanketa berezia egin dezaten eta bitartekoak jarri.

GONBITEA EGITEN DIE herritar guztiei, azaroaren 25ean, Emakumeenganako Indarkeriaren aurkako Nazioarteko Eguna dela-eta, herri edo eskualde mailan antolatzen diren mobilizazioetan parte hartzeko.”

Udalbatzak onartzea erabakitzen du.

## **ZORTZIGARREN GAIA**

### **EUSKARA BATZORDEKO DIRU-LAGUNTZAK EMATEA.**

Euskara arloan lan egiten duen hainbat erakundek diru-laguntza eskatu du.

2012ko azaroaren 15ean egindako bileran, Euskara batzordeak aldeko proposamena egin zuen.

Idazkari kontu-hartzaileak ahoz adierazi du badagoela aurrekontuko kreditua, baina diru-laguntza handienak emateko (Hitza, Txolarre, Galtzaundi)

hitzarmena sinatu beharra dagoela, aurreko urteetan bezala.

Alkateak adierazi du hitzarmen hauek berriro direla, eta datorren urtean aurkeztuko direla.

Udalbatzak ahoz batez onartu du honakoa:

1.-Diru-laguntza hauek ematea:

a) Irakaskuntzako erakundeei (ikastolen festak):

<b>ERAKUNDEA</b>	<b>2012ko DIRU-LAGUNTZA</b>
IBILALDIA	170 €
ARABA EUSKARAZ	170 €
KILOMETROAK	170 €
NAFARROA OINEZ	170 €
HERRI URRATS	185 €
UEU	0 €
	<b>865 €</b>

b) Euskarazko hedabideei:

<b>HEDABIDEA</b>	<b>2012ko DIRU-LAGUNTZA</b>
HITZA	4.260 €
ARGIA	0 €
TXOLARRE	2.140 €
	<b>6.400 €</b>

c) Euskalgintzako erakundeei:

<b>ERAKUNDEA</b>	<b>2012ko DIRU-LAGUNTZA</b>
KONTSEILUA	0 €
GALTZAUNDI	2.800 €
BEHATOKIA	0 €
	<b>2.800 €</b>

2.- Erakundeei eskatzea diru-laguntzak emateko Udal Ordenantzak eskatzen duen dokumentazioa aurkeztea, eta ondoren ordaintzea.

3.-Interesatuei eta Euskara teknikariari jakinaraztea akordio hau.

Galdera eta eskarien atalaren aurretik, ondorengo gaia aztertu da, batzarkideek presazko egoera adierazi baitute aho batez, eta hauek udalbatzarreko partaideen zilegizko gehiengo osoaren aldeko botoa osatzen baitute:

### **BEDERATZIGARREN GAIA**

#### **ETXEGABETZEEN EGOERA LARRIAREN AURREAN MOZIOA.**

Honakoa mozioaren berri eman da:

“Joan zen ostegunean, etxegabetzeak ahalmentzen dituen hipoteka legeari lehenengo kritika eta salaketa juridikoak iritsi zitzaizkion Europako erakundeetatik; kasu honetan, Estrasburgoko Auzitegitik.

Hurrengo egunean, euskal herritar batek, etxegabetua izatera zihoanean, leihotik salto egin eta bere buruaz beste egin zuen. Jarraian, erakundeetako ordezkariak, alderdi politikoak eta beste eragile batzuk, etxegabetzeen larritasunaz eta ondorioez adierazpenak egiten hasi ziren.

Estatu mailan, PP eta PSOE (zeinak azken urteetan Hipoteken legean aldaketak egiteari uko egiteaz gain, ordainketan ematearen aurka ere bozkatu duen hainbat aldiz), bildu eta herritarra inolako babesik gabe uzten duen Hipoteka legearekin amaitzeko akordioa bilatzeko saiakera egiteko asmoa iragarri zuten.

Ordu batzuk besterik ez ziren pasa, eta Bankaren Patronalak ohar bat egin zuen publiko, mugak agintzeko. Banka prest zegoen etxegabetzeak bi urterako gelditzeko, baldin eta “muturreko egoera” eta “arrazoi humanitarioengatik” baten.

Hortik aurrera, legearen aldaketa aurkeztu ziguten. Banka espainiarraren erabakiak itsumustuan beteko dituen hain zuzen ere.

Gaur, beste behin ere, hainbestetan aipatutako merkatuen diktadurak, zeina klase politikoekiko oligopolio finantzieren diktadura besterik ez den, klase politikoaren sumisioa utziko digu agerian. Botere finantzieroarekiko sumisioa hain zuzen ere.

Gaur, beste behin ere, agerian geratuko da Rajoy-ren Gobernu Troikaren agindua

betetzen duen txotxongiloa dela, batzuetan Europako banku handiei mesede egiteko, eta beste batzuetan, Hipoteka Legearen kasuan bezala, Espainiako bankuaren aginduak itsumustuan bete eta dekretatzeko.

Dekretuak ezin du beraz, Amaia Egaña euskal herritarraren heriotza salatzeke sortu diren ahotsak isilarazteko adabakia izan; Dekretuak balizko arrazoi "humanitarioekin" milaka eta milaka herritar utziko ditu bankaren aurrean babesik gabe.

Neurri epel horiek (ikusi behar dira onartuko diren kasu zehatzak) ez dute pertsonen bankaren aurrean jasaten duten egoera asimetrikoa eta injustua zalantzan jartzen. Izan ere, ez da arrazoi humanitariozko arazoa bakarrik, baizik eta giza eskubide eta eskubide sozialen arazoa. Etxebizitza eskubidea eskubide soziala da. Bankuen gehiegikeria horren aurrean, erakundeek bitartekaritza egin beharko lukete eta alokairu sozialaren bidez, adibidez, etxebizitza bermatu.

Kasu honetan, helburua ez da eskubideak bermatzeko lege aldaketa egitea, herritarren aurkako gehiegikeria orokor honetatik at geldituko lirakeen zenbait kasu zenbatzea baizik. Arazoa ezin da muturreko kasuena izan, arazoa orokorra eta soziala da, eta neurri eta konpromiso serioak behar dira bankaren jarrerari galga jartzeko; ezinbestean, etxebizitza eskubidea bermatzeko bitartekoak jarri behar dira.

Beste aldetik, salatu nahi dugu, bertan behera geldituko diren kasuak ez dutela atzeraeragintasunik izango; ondorioz, kasu berdin batek, hilabete batean edo hurrengoan, tratamendu guztiz bestelakoa izango du, horrek suposatzen duen injustiziarekin. Are eta gehiago, beraien hitzak kontuan hartuta, muturreko kasuak direla jakinda.

Azkenik, salatu nahi dugu, benetan eskandaluzkoa dela erreskatetik etekinak ateratzen ari diren edo aterako dituzten bankuek, herritarrak etxerik gabe uzten jarraitzea. Bankuak salbatzeko dirua badago, baina pertsonak salbatzeko ez. Hori gutxi balitz, milaka etxebizitza egongo dira Banku Txarra deritzonengan, zeinak gaizki salduak izango diren, beste norbaitek negozio handiak egiten jarraitu dezan.

Larria da, oso larria da, gehiengo absolutuaz baliatuz eta bere inguruan gertatzen ari dena guztiz errefusatzen duen gobernuaren jarrera, bankuen eta interesen finantziarioen kudeatzaile ona dela erakutsiz.

Hau guztiaren aurrean honako puntu hauek aurkezteu nahi ditugu Osoko Udal Batzarraren aurrean, bertan eztabaidatuak eta onartuak izan daitezten.

1.- Udal honek, etxegabetze denak denbora mugagabea bertan behera uzteko exijitzen du. Herritarren eskubideen defentsa bermatzeko legediaren aldaketa exijitzen dugu. Era berean, herritarren etxebizitza eskubidea babesten du, gai honetan



bankuek eta Espainiako gobernuak duten jarrera ozen salatuz.

2.- Udal honek, ohiko etxebizitzaren jabetzaren baitan ematen diren etxegabetzeak ez ezik, alokairu erregimenaren baitan ematen diren etxegabetzeak ere bertan behera uzteko exijitzen du, Banku, Kutxa , Kooperatiba eta entitate publiko eta pribatuen jabetzakoak diren kasuetan. Banku, Kutxa eta Kooperatiba guztiei, udalarekin duen harremanagatik bereziki Kutxabanki, inongo kasutan ohiko eta lehen etxebizitza kaleratzerik gehiago ez egiteko exijitzen diogu.

3.- Udal honek, etxegabetzeen gaiarekin duten jarreraren arabera kreditu entitateekin duen harreman instituzionala, ekonomikoa eta elkarlana berrikusi egingo ditu.

4.- Udal honek, herritarren jakinaren gainean utziko du etxegabetzeen gaiaren aurrean banku, kutxa edo Kooperatiba bakoitzak duen jarrera. Herritarrei informazio zehatza emateko konpromisoa hartzen du.

5.- Udal honek, ohiko etxebizitzaren etxegabetzea nozitu duen herritarrei zein egoera horren arriskuan daudenei informazioa eta laguntza emateko baliabideak jarriko ditu; etxegabetzea ekiditeko helburuarekin, dagokion entitate finantzieroarekin harremanetan jarriaz. Kaltetuen eskura, telefono zenbaki bat eta Email bat jarriko dira.

6.- Udal honek, ez du etxegabetze prozedurarik bultzatuko eta beraietan parte hartuko. Era berean bide horretan parte hartzeari uko egiten dioten udal langileak babestuko ditugu.

7.- Udal honek, etxegabetzeen aurka lanean ari diren gizarte eragileekin elkarlanerako duen prestutasuna adierazten du. Egoera elkarrekin aztertu eta dagokigun eremuetan urrats sendoak emateko konpromisoa hartzen dugu.

8.- Udal honek, subirautza politikoa exijitzen du, gure etxebizitza politika egin ahal izateko eta Madriletik inposatzen zaizkigun neurri neoliberal basatiak nozitu beharrik ez izateko.

9.- Udal honek, etxegabetzeen egoera larria salatzeke, kontzentrazioa deitzen du, "Etxebizitza eskubidearen alde, ETXEGABETZERIK EZ" lelopean. Herritarrei bertan parte hartzeko deia luzatu nahi diegu."

Udalbatzak aldeko 7 botorekin (Bildu) eta abstentzio batekin (PNV) onartu du mozioa.

**HAMARGARREN GAIA**

**GALDE-ERREGUAK.-** Ez dago galde erregurik.

Aztertzeke beste gairik ez dagoenez, alkateak 20:05ean eman du amaitutzat bilera. Bertan esandako guztia aktan jaso dut, eta, idazkari gisa, dena EGIAZTATZEN dut.

ALKATEA

IDAZKARIA